

tus fuit, ut mortuus Scipionum sepulcro inferretur? Nónne C. Marius nobilem poetam Archiam, rerum Cimbricarum conditorem: Lucullus verò L. Plotium belli Mithridatici scriptorem: Pompeius item Theophanem Mitylenæum rerum suarum præconem: at Augustus Cæsar Virgilium & Horatium incomparabilis ingenii viros, Domitianus pariter Iuuenalem & Statium, vates extra omnem eruditionis aleam positos: Bassianus quoque Antoninus Oppianum Cynegeticæn autorem: Numerianus item imperator, qui Caio patri in imperio successit, Nemesianum bucolici carminis venustissimum conditorem: Arcadius denique & Honorius Claudianū grauissimum poetam: aliisque alios summis & amplissimis honoribus prosequuti, ac singulari benevolentia complexi sunt? Quo magis deploranda est temporum horum iniquitas, in quibus Musarum antistites ab iis etiam negliguntur, quorum laudes omnibus ingenii viribus ab interitu vindicare ac sempiternæ posterorum memoriæ tradere conantur. Nam hodie principum & regulorum quorundam aulæ à carminibus non minus abhorrent, quam Iudæus à porco, aut Samius ille Pythagoras à fabarum esu. ut verè Ouidianum illud hac tempestate usurpare liceat, *Ipse liet uenias Musis comitatus Homere, si nihil attuleris, ibis Homere foras.* Atque huius rei (οφρ' επω τε με δυος ενι σησται κελθει) non tantum Lausus equum domitor, debellatörque ferarum, sed illi ipsi qui augustissimum poetæ nomen sibi arrogant, præcipua causa esse videntur. Quod enim Persius in Satyra de suis popularibus queritur,

--ecce inter pocula querunt

Romulidæ saturi quid dia poemata narrent.

Hic aliquis, cui circum humeros hyacinthina lænd est,

Rancidulum quiddam balba de nare loquutus,

Phyllidas, Hypsipylas, natum & plorabile siquid

Eliquat, & tenero supplantat uerba palato.

Affensere uiri: nunc non cinis ille poetæ

Felix? non leuior cippus nunc imprimis offa?

Laudant coniuæ: nunc non è manibus illis,

Nunc non è tumulo fortunatæque fauilla

Nascentur uiolæ? Idem planè mihi de nostris quibusdā Phœbicolis non iniuste usurpare videor, qui nescio quam popularem auram captantes, laudatissimā hanc ingenii facultatem apud imperitum vulgus prostituunt, quoslibet è mediis tonstrinis, Phormionū ritu, carminibus suis vindiquaque commendicatis impendio celebrantes. ut nihil referam quam immaturos interdum fœtus enitantur, nimiūque festinando, cæcos interdum pariant catulos.

Sed, ne longius à proposito digrediar, ad Callimachum meum redeo, qui & ipse ob ingenij excellentiam & carminis venustatem Philadelpho & Euergetæ Aegyptiorum regibus (Strabone teste) ita acceptus fuit, ut in intimam familiaritatem utriusque receptus, & regiæ bibliothecæ, quæ tum Alexandriae erat, magister sit constitutus. Qua quidem occasione factum est ut multis ille à se doctissimis libris conditis, vetustissimorum temporum historiam, & sacrorum origines ingeniosè protulerit: quorum iacturam & interitum alicubi deplorat Cœlius Rhodiginus. Quum autem ex omnibus